

處所擬各官會議臣等覆行酌議理合開具條陳
于後

一名衛春秋兩班京操旗軍河間等三衛茂山衛定
州衛真神二衛該前巡撫都御史丁汝夔題將真
神二衛班軍給故關參將統領二千名外及其餘
衛分盡數暫留本處操演分撥關口防禦該成國
公朱希忠題奉

欽依俱赴京操不許奏留備咨通行欽遵外爲照留班
軍以防禦隘口正所以拱護京師也况緊急之
際未免奏發京營人馬與各衛班軍之數相當
事急然後奏

請則每在事後不如存留可以朝呼夕至况各軍樂於
京操苦於守口今違其所樂而就其所苦誠非緣
各官軍慣狃脫班以許其自便也

一保定奇正兩營俱以都指揮坐營不如添設遊擊
各管領本營官軍三千員名於定州衛及真神二
衛班軍選三千名領以一遊擊在於定州駐劄於
河間等班軍選三千名領以一遊擊在於河間府
駐劄無事隨宜訓練有事相機截殺俱聽臣并副
總兵節制

一紫荆關至沿河口三百餘里中間隘口五十餘處
西至吳王口三百餘里中間隘口六十餘處以一
參將應援勢有不及宜於大龍門倒馬關添設參
將一員大龍門參將以所留茂山等衛班軍二千
名倒馬關參將以所留定州真神三衛班軍二千
名隨住而以紫荆關參將移於浮圖峪駐劄紫荆
關以東大龍門參將以所留紫荆關以西浮圖峪參
將主之挿箭嶺以西倒馬關參將主之保定副總
兵暫移住易州又將浮圖峪守備移於白石口駐
劄倒馬關守備移於挿箭嶺駐劄紫荆關添設守
備一員沿河口及吳王口葫蘆口各添設把總一
員挿箭嶺除原守官軍外應添官軍七百餘名沿
河吳王葫蘆等三口各應添軍四百餘名俱於河
間等三衛所班軍調發隨住

一我軍之用以神器爲利盔甲爲衛若添設參將所
用益多乞

勅工部每參將降佛朗機五百座神鎗三百杆虎尾砲
二百座每遊擊降佛朗機三百座神鎗二百杆虎
尾砲一百座與各官收架應用每參將各降盔甲
二千頂副遊擊下各降盔甲三千頂副每三年各